

Վարչական իրավախախտման գործով գանգատն առանց բավարարման, իսկ որոշումն անփոփոխ թողնելու մասին

10.08.2018թ.

ք.Երևան

Ճանապարհային ոստիկանության պետ, ոստիկանության գնդապետ Եզոր Կարապետյանս, վերանայելով Սպարտակ Գևորգյանի դիմումի շուրջ ստեղծված նյութերը՝

Պ Ա Ր Զ Ե Ց Ի

2018թ. հուլիսի 30-ին Երևան քաղաքի Սոսեի փողոցի 1 շենքի 32 բնակարանի բնակիչ Ս.Գևորգյանը դիմում է հասցեագրել այն մասին, որ ստացել է վարչական տույժ նշանակելու մասին ԱԴ թիվ 638363 որոշումը, որի հետ համաձայն չէ, քանի որ տեսուչ Ավագյանը, չներկայացնելով տեսագրություն, կայացրել է որոշում՝ հանդիպակաց հակադիր հոսքերն իրարից բաժանող հոծ գծերը հատելու համար: Դիմումատուն խնդրել է իրենց ներկայացնել խախտման տեսագրությունը, իսկ հակառակ դեպքում չեղյալ համարել տեսուչ Ավագյանի կողմից կայացված որոշումը:

Դիմումի ուսումնասիրությամբ պարզվել է, որ 2018թ. հուլիսի 30-ին ժամը 10.30-ին Երևան քաղաքի Կոմիտասի պողոտայում Ս.Գևորգյանի վարած «Տոյոտա» մակնիշի 08 CD 080 հաշվառման համարանիշի ավտոմոբիլը կանգնեցվել է ճանապարհային ոստիկանության ճՊԾ 1-ին սպայական գումարտակի 2-րդ սպայական դասակի ավագ տեսուչ, ոստիկանության մայոր Յ.Բաղդամյանի և նույն դասակի տեսուչ, ոստիկանության կապիտան Յ.Ավագյանի կողմից ճեկ-ի խախտման համար, այն է՝ վարորդը կատարել է ծախ շրջադարձ՝ հատելով հակադիր հոսքերն իրարից բաժանող հոծ գծերը: Վարորդի նկատմամբ կազմվել է համապատասխան արձանագրություն և, համաձայն ՀՀ ՎԻՎ օր-ի 124-րդ հոդվածի 2-րդ մասի, կայացվել ԱԴ թիվ 638363 որոշումը վերջինիս 10.000 դրամ տուգանելու մասին:

Ըստ ծառայողների գրավոր բացատրությունների՝ իրավախախտումը նկատվելուց հետո ավտոմոբիլը սահմանված կարգով կանգնեցվել է, տեսուչ Ավագյանը մոտեցել է վարորդին, ներկայացել, հայտնել իրավախախտման բնույթն և փաստաթղթերը ստուգելուց հետո կազմել է համապատասխան արձանագրություն: Մինչ արձանագրություն կազմելը վարորդը պահանջել է իրեն ներկայացնել իրավախախտման տեսագրությունը, ինչից հետո վերջինիս պարզաբանվել է, որ իրավախախտումն չի տեսագրվել, սակայն իրավախախտումն եղել է ակնհայտ, ինչը նկատվել է տեսուչ Ավագյանի կողմից ծառայողական ավտոմոբիլի հետին տեսանելիության հայելու միջոցով, ինչի մասին բարձրաձայնելուց հետո ավագ տեսուչ Բաղդամյանը պտտվելով ևս նկատել է այդ փաստը: Վարորդը նշել է իր անհամաձայնությունն արձանագրության մեջ, ինչից հետո ստորագրել և ստացել է որոշման իր օրինակը:

2018թ. օգոստոսի 3-ին հեռախոսակապի միջոցով, քաղ Ս.Գևորգյանը հրավիրել է ճանապարհային ոստիկանության ճՊԾ բաժին՝ իր դիմումի քննարկմանը մասնակցելու, որտեղ գրավոր բացատրությամբ հայտնել է, որ համաձայն չէ խախտման հետ, քանի որ փաստացի ապացույց չկա: Դիմումատուն հայտնել է նաև, որ իր դիմումին ավելացնելու ոչինչ չունի, խնդրել է դիմումը քննարկել և արդյունքների մասին իրեն տալ գրավոր պատասխան:

«Ճանապարհային երթևեկության անվտանգության ապահովման մասին» ՀՀ օրենքի 17-րդ հոդվածի, ճանապարհային ոստիկանության ծառայողը պարտավոր է տրանսպորտային միջոցը կանգնեցնել, եթե ակնհայտ կամ տեխնիկական միջոցների օգտագործմամբ երևում է, որ վարորդը խախտել է ճանապարհային երթևեկության կանոնների պահանջները: Նույն հոդվածի 8-րդ մասի համաձայն՝ երթևեկության սահմանված արագության գերազանցման և տրանսպորտային միջոցների ապակիների լուսաթափանցելիության սահմանված չափի խախտումների համար պատասխանատվություն է առաջացնում, երբ տվյալ խախտումը փաստարկված է համապատասխան տեխնիկական միջոցների կիրառմամբ:

Այսպիսով, կատարված ուսումնասիրություններով պարզվել է, որ Ս.Գևորգյանի արարքում առկա է վարչական իրավախախտումների վերաբերյալ ՀՀ օրենսգրքի 124

հողվածի 2-րդ մասով նախատեսված դեպքը, ուստի ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով,

Ո Ր Ո Շ Ե Ց Ի՝

1. Ս.Գևորգյանի դիմումը թողնել առանց բավարարման, իսկ ճանապարհային ոստիկանության ՇՊԾ 1-ին սպայական գումարտակի 2-րդ սպայական դասակի տեսուչ, ոստիկանության կապիտան Հ.Ավագյանի կազմած վարչական իրավախախտման արձանագրության հիման վրա կայացրած 2018թ. հուլիսի 30-ի ԱԴ թիվ 638363 որոշումը՝ Սպարտակ Գևորգյանին տաս հազար դրամ տուգանելու մասին՝ անփոփոխ:

2. Սույն որոշման օրինակներն ուղարկել ճանապարհային ոստիկանության վարչական գործունեության բաժանմունք և դիմումատուին:

3. Սույն որոշումը կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:



Կատարող Ջ.Մելքոնյան
հեռ. 011-567944